

惟  
堂  
集

李道寧

20-18  
27  
~ 18  
2455  
1

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

2356-3

2455

廣印社新鑄

古齋堂印

丁寅喬署



序

聽秋閣者余友姜君堯章空中一架之名也聽秋家廣  
陵甫十餘歲來京館余者幾二十年始治功令將成忽  
棄去悅杞園閣公行與余約半日往承師誨半日與  
余讀余感而許之於是聞鐘輒往雖風晨雨夜不少廢  
如是者四年及閣公卒既葬述閣公之言謁阮堂金公  
正喜于海中詳州天自以爲所得奇偉金公宥還君辭  
於海上欲遂縱遊域內金公留之偕至京師出其書使  
徧觀之及金公謫北青君又從往踰年君乞遂踐初志  
金公許之乃得浮由四際盡覽諸名勝數年而畢及歸  
無所得食不得已挈眷寓於湖嶺間萬山中此君平生



之大槩也君貌寢素羸又無技能唯喜讀書每有所會輒笑不休或至起舞如是而已不喜述作或迫之出往往中矩然嘗言身世如浮雲文章如唾津間有所遇然非言詮可了故自少迄今未嘗有篋衍之蓄此又君措心之大致也天水房君松年致堯慕其人從與游有年間訪其素相厚者蒐集詩文得數百頁名曰收艸以余交最舊遠來謁余余以所藏擬策一卷古近體詩百六十餘首歸之松年大喜乞識數言於卷端遂信筆書此余言信否可持而歸問於一架主人  
辛巳上元日吏部尙書龍圖閣學蓉山居士鄭健朝書于一粟泉庵月下

題詞

廿年共我一園亭殘缺覃思拜五經最憶蕭晨霜月下書聲嫋嫋四鄰醒

九街殷殷響吟鯨起拂寒衣雪五夏自道一生心折處

杞翁窓下豆燈明聞鍾而往先生已歛枕端坐手鈔故事數紙

濯足搏桑萬里流輕盈羅襪步瀛洲自從阮老升堂後

古異神情澹不收

酒酣歷落喜談兵七字時爲出塞警擬策成來還扯去

那知火浣轉新清壬戌詢策時余邀君至園館迫而成之忽酌酒朗誦而燒之其狂如此有

拾片紙初藁示余者余使綴成一本亦自可讀後四年示君君爲之絕倒謂如張顛濡首之筆遂肯爲余序之

白首流離事可悲海雲無際獨行時何處燒來香一瓣

萬山千水是君師起二句是君別友詩

調苦氣和雨不妨吹笛梅邊素月涼若與詞家論品藻

今堯章是古堯章南宋姜夔字堯章號白石以詞名時

是歲仲春蓉山居士又書于小園子樓中幼時與君讀書處

序

不佞羨古歡先生之詩弟子也竊觀先生少抱英多長  
逾刻厲其所學皆天人王伯之鉅者而尤專心當世事  
高可以河汾太平之書卑之猶眉山權衡策此先生志  
槩也頤崎於命窶於力化離偪側窮老無所遇惟是咳  
唾之餘遊戯之跡颺墮人口耳間世遂以詩人斷先生  
而先生亦自詭為詩人噫先生豈僅詩人乎已哉然先  
生見解極邃議論極博而其精神所寓指趣所嚮常在  
於極微之中使人驟聞若河漢然而諦究之又卒莫能  
研其幾故世之輕儒窳民既無能有發於先生而雄駿  
宏達之彥又忽而不繹故雖嘗三入中華再涉東瀛聊

以爲遠游壯觀而及歸無所遇如曩日困且益甚究其所以發胸中之奇取眼前之娛以忘其身世之畸且窶則要亦咳唾焉游戲焉而已若是則先生雖不欲爲詩人又安所適哉其可悲也不佞於先生有世好重之以燕臺之役往還六千里並轡聯裾爲生平未有之至懽然於先生論道論政及論天下形勢皆所謂無能有發者惟先生之論詩則片言隻字冥投默契如水得乳久而不匱間嘗竊其緒言而敷演之舉似於先生先生時啞然笑若有溪喜者嗟夫不佞方以先生之爲詩人悲先生而先生猶喜不佞之可與言詩詩之道其亦不可少如是哉今先生諸弟子謀刊先生詩文以序屬不佞

不佞烏能序先生哉然惟以區區竊嘆於平昔者有不能舍然而爲之說如此不敢望天下後世因先生而知有不佞也但得先生覽之一啞然笑足矣先生之詩卓然成一家固無論已至其文如詩稿擬策自序上黃孝侯書諸作可以見先生之志當與詩並傳世之讀是集者惟不以詩人斷先生則幾矣癸未日南至甯齋李建昌書于長興山房中

自序

不肖辱與諸公交幾二十年動作言語藝術不能自異也嘗以是病焉往在庚戌冬夜諸公會于梧窻鄭基年進士齋中酒闌人倦相藉而臥石帆李建記注忽頻頻視余默有所識余私恠之而不暇問也遽起坐叫曰始得之矣遂就床引筆伸紙移燭作余像滿堂乃大譁稱絕復進觴命韻各繫以贊不在會者多和之此豈有奇姿異態偉像俊骨動人也哉為其通眉胡鬚溪目高顴蹙額適似余之醜陋擁腫也又余嘗三夜與徐圭庭承輔先生言往往憤罵古賢呵斥俗學力翻成案必謂知極於楊子行極於墨子體的於告子法備於荀子此句缺

斷以易大傳禮記出於一手爲孔門傳道之書無一字遺憾而集成於史遷種種造論皆如此類圭庭不駮余言引與娓娓輒見窓白而未已豈真以余遐覽廣記深言美論之可採乎爲其家貧無書獨學無友而不揜余之編設瑣嵬也今錄茲編者蓋余于往春三月偶得縱步自曷懶旬放于辰韓四千里餘凡所歷者多通都大邑舟楫之聚衣冠之盛然而涉其境而不問其名聞其事而不詳其故則喜好謠俗山川風物不能舉也所接者皆烟雲險僻之境枯淡之士戰伐興廢悲傷愁苦之蹟困倦無聊忼慨之辭與處而不窮其蘊與發而不極其趣則英雄豪傑道術篇章不能遇

也親老不養則爲不肖有家不治生則爲無術離朋舊廢師傅而不學則爲暴棄故知余者咸罪余卽余之趣向行事無以自考然獨其意有所極脫略形似孤行遠詣披荆榛踞虎豹犯霜雪涉無人之塗數月而不息曠兮若無所止遑兮若有所求庶卜諸公望而知我他人不求似也三年癸丑初春十九夕微醉書于臨淮之古歡堂





古雅堂北直序

三

龍鍾我相不曾轉豈有人  
間弟二耳謁來十丈梅華  
下明月庭空影三真

先生集中自贊一則  
仍題 去原池運承



古歡堂收艸目錄

卷之一

聯床集詩九首

卷之二

發弭餘艸詩一百二十七首

卷之三

西笑集詩三十六首

卷之四

錦洞唱酬集詩九十六首

卷之五

錦洞訪舊艸詩四十一首

卷之六

三洞搜勝艸詩六十四首

卷之七

柳洋漫賞集詩八十六首

卷之八

東樓聯賞集詩三十九首

卷之九

霞莊結夏集詩三十二首

卷之十

南村晨夕集詩八首

卷之十一

六橋聯吟集詩三十九首

卷之十二

北游艸詩四十六首

卷之十三

北游續艸詩一百五十六首

卷之十四

東遊艸詩二十一首

卷之十五

東遊續艸詩十六首

卷之十六

遠遊艸詩二十五首

古香堂收草序

卷之十七

詩餘十五首

附中州諸公詩序

乙卯新鐫  
聯床集

荷亭呂圭亨署

古香堂收草序

先生文字妙天下此是精華第一編  
廣印社中梨棗畫百家箋註五千季  
大雅堂皇新樂府墳篋一室永和諧  
翠然唱答東函佳僧彌從知法護佳  
荷亭後學題辭

古歡堂收艸卷之一

天水 姜 磻 慈 岷 著  
完山 李建昌 甯齋 校  
東萊 鄭萬朝 懋亭 編

聯床集

家大人六十一生朝陪家伯氏蓬春聯吟志慶  
小兒擎盞祝何辭但願親康年不飢董氏門無索租吏  
茅生家有殺雞時  
十年京洛謾栖遲未博榮觀一日爲那及村童不識字  
採山漁水免親飢  
伊昔呱呱兄弟妹從夫娶室各生兒携來鶴髮傷衰地

點著斑衣飾喜時  
慙愧城南舊時侶  
花箋疊疊送香來  
芳蹊桃李春風晚  
共惜藍田射虎才  
採藥山前十數椽  
烟雲一壑慶團圓  
姻婭賓朋宗族會  
祖孫父子弟兄存  
迭唱墳箴十二詩  
幼年哀樂到今時  
荆花含雨林鳥返  
仍是臨箋未了詞

附家伯氏作

四月八日眞佳節  
裙展圍觀拜舞身  
多謝高堂稱壽後  
萬家燈燭慶生辰  
農家生長焉知禮  
酌兕升堂俗似爾  
喜懼中心增日

日无疆萬壽獻吾親

遇慶如何淚滿腮  
萱花零落艸心哀  
春暉報答知無所  
人世甲辰已再回  
南城細樂迎花底  
座上嘉賓酒半醺  
珍重陽春來有脚  
一村和氣靄如雲  
里謠誰誦大車篇  
氓俗熙熙自露天  
短褐摠從山下  
雨煮花携酒拜前筵  
桃花點點柳絲絲  
總與韶光拂賀卮  
夏荷東君殷重  
意軟風輕掣綵雲旗

蔚山前洋陪家伯氏汎舟和呈

萬山花氣到深尊  
一帆風清下海門  
雲含落日紅無際

水合長天碧有痕人家總帶撈魚港城郭仍連種竹村  
花萼聯吟應有地興麗鄰曲訪名園

附伯氏作

萬里天風酒一尊遠游兄弟聚邊門滄溟水面流燈  
影鼓吹聲中落墨痕古郭烟開盤鶴地歸舟月上賣  
魚村情知解紱無歸處回首臨江萬竹園

家伯氏蔚營佐勝閣壁志懷命余續題

明時無藉贊良籌隱几寥寥對白鷗海上高山多勝蹟  
天涯風雨送殘秋遠游易得三年別薄俸那支百口憂  
惟喜勸酬消永日荆花紅到硯池頭

殊品

亞營西庭有紫荆  
花盛開色香俱是

附伯氏作

江流浩浩野茫茫阿曲城南古戰場一笛西風楊柳  
壘百帆烟雨樸公坊謂與伯天涯薄宦真如繫春暮羈  
愁不可當親老身衰妻子軟釣竿料理海雲鄉

家伯氏青石關倚釵樓書事命余聯題

萬樹籠山紫復黃高秋風雨到嵩陽舊聞奇道鄰師過  
新置雄關廟筭長遲暮一官猶遠戍殘宵雙影似還鄉  
窮途食息皆 洪造勞苦寧辭一柝霜

附家伯氏作

寒宵鼓角萬山中舞罷龍韜倚碧空建置規模千戶  
所百戶所千戶所尙須寄託百夫雄兩年廟筭勞經

遠八字華褒愧備戎考最曰處白首侯羸圖報

地知備戎策

隘

切功名休笑抱關翁

奇道無兵敵不勞風塵往事愧鈔常如待虎勤修  
檻豈以亾羊笑補牢角罷孤城來鴈陣燈懸半壁嘯  
龍刀中宵下酒塵編在自笑將軍老叟豪

集如乘鴈散驚鳥誰與關城戒不虞陰雨撤桑誠得  
計溪山衛藿費良圖西江不隔枯魚肆出潦全憑食  
馬徒感激元戎懷哺幼三軍續命盡歡呼

嵩陽西出萬重山畿海之交第一關樹如組練三千  
隊石似龍驤十二閑此路不知真木偶重門雖在只  
泥丸苦心不止軍民計北顧無憂解 玉顏

葵  
弱  
餘  
州





冠摩壽曜辰破邊冰幽蘭風雨篔  
袖慵騰一解  
峰青無際海穩無瀾昂首毗盧寒  
月如盤二解  
珠絃一斷灑彼碧落後三千年借  
我鸞鶴三解

養雲黃玳拜讀



古歡堂收艸卷之二

天水 姜 璋 慈 岷 著  
完山 李建昌 甯齋 校  
蓬萊 鄭萬朝 懋亭 編

發弭餘草

濟州望洋亭却寄鄭蓉山記注

健朝

危樓縱目旅魂清海外秋生枳子城天粘積水羣龍影  
月上空洲一鶴聲長風萬里來宗慤五岳中州殫尙平  
可是琴仙邀我去同騎白鹿過澄瀛  
也宜歡喜也宜驚年少胡爲此獨行雙淚辭家如隔世  
一帆過海見先生珠沉赤水疑難得劍合延津竟有情

浪跡從今休更理滄波萬里一浮萍

珍重衣兼襪難酬館主恩別時不相見去後豈無言橋

袖吟邊路蘆花宿處村憑誰寫行色吹落鷓鴣園

將入

謁阮堂虛蓉山不置言先求衣機留書告別云請衣念服恩機告其行也

壽星詞奉和阮堂先生作

寂寞緇帷歲幾經一朝顛發過滄溟他年北地誇詫事  
有此秋來一顆星

苦海無津也漂星維摩却示老儀形蝸廬十載跼跌膝

為歎仙翁一下庭

先生居停十年未嘗一出檐外

天涯日日旅魂消壽曜麗空碧海遙琴仙小別成千載

信否扁舟待更邀

附阮堂先生書慈岷扇面

時先生寢病濱危扶起強腕書此

桑海零塵襪底消天風上下一道遙清秋赤道平如

砥壽曜前頭試暫邀

登楓嶽永郎峰

香城百疊望崔嵬彈指華嚴閣欲開日照雙臺青鶴立

泉聲萬壑火龍迴海山歡喜曾相識天地蕭穆獨往來

欲把餘生尋位置四年三度到蓬萊

大乘觀瀑

行到瀑布臺坐臨瀑布水非水復非石大乘法如是

撒手懸厓未足稀呂梁忠信是歟非頓攝兩年觀海眼

空山絕壁叩靈機

古觀堂文集卷之二  
三  
努力身輕萬壑來懸厓倉卒露真才寶王不惜珠千斛  
分付名山淨碎迴

望蓋馬山

幾度欲爲僧見僧心復慢忽瞻常白峯稽首大羅漢

同白上人至九龍淵

欲捉九條龍行窮八潭趾此物已神變化作蓬萊水

常白山遇蛻公石上入定

頭上初無一把茅騰騰浩劫且消搖朝鮮絕頂天池好  
三派源清俯碧霄

靈源洞別蛻公

萬壑千峰得得來逢人始罷問生涯山中虎豹縱橫地

那

啞坐高僧首不回

自有堂堂撒手才不知何際是懸厓偶然戰勝無奇策  
只脫諸侯散地來

居士行裝萬里天高僧獨住幾多年過溪握手迥然笑  
打破毘耶杜口禪

海上

三山無影海無梁只有風濤接混茫北去南來鬚髮變  
又尋奇特向扶桑

留連三日湖中月邂逅五臺山北僧東遊最足移人處  
滄海崩濤一兩層

香山佛影庵遇一指禪以詩叩之

古觀堂文集卷之二  
運水搬柴無不可觀音千手亦奇哉此是無量功德相  
如何佛指盡燒來

楓岳第一峰同雲公登眺

峰青無際海無瀾絕頂昆盧夜向闌欲遲扶桑三丈日  
一天星斗一天寒

摩訶衍雲公贖余維摩經一部

天上人間富貴仙修持幾劫淨名禪如今法喜爲妻日  
坐擁螺鬟萬二千  
阿彌陀佛非聾漢念念彌陀奈爾何空山雨雪無人境  
驀地相逢是自家

江陵道中

帆痕渺渺凌滄海屐齒登登過大關背却家山千里外  
青蒼都是自家山

陟州海上望鬱陵島

壯遊漸覺近扶桑紅日升空氣尙涼一陣引舟風過處  
三山搖影海中央  
異斯取國若無難消得鄰城戲馬還勝蹟千年何處訪  
人烟不到謂于山

止亭集在無人讀黃相名俱日月懸艸沒召公臺畔路

寒山一片語猶鮮

召公臺旄村紀  
續碑南袁所撰

東京詠古

文章前代翰林才善演圓通耳竅來不道正聲消歇久

夢迴一杵鳳凰臺 建德鐘

率居何妨所出微國史猶傳六法奇妙技不容他手補

皇龍寺壁老松枝 率居畫或於黃龍寺壁鳥多飛入翽

夢想栖雲白月邊金生字蹟重千年怕悵吳興題跋語

昌林石刻化雲烟 趙子昂題金生昌林寺碑云

智異山中雲上院仙翁得得抱琴迴彈出松風三十曲

空山玄鶴忽飛來 玉寶高

知否水頭雄歌者儼然百結古先生山妻歲暮思春粟

便把琴聲作杵聲 百結先生鼓琴卒歲妻開闢家春

皇龍古地杳徘徊信有文章不世才可喜乘輶胡學士

微波古樹探詩迴 崔鴻寶題黃龍寺詩老樹鳴琤吹微

胡學士乘輶過東京見之以為不世才薦于朝

茸長寺和紹雲詠古

天東文物孰開荒首出徐羅始祖王莫恠臨風憑眺久

慶州是我外家鄉 崇德殿

樂浪宮館柳花飛聖佛君王讓國歸北地一辭昭烈廟

可憐霜岳老麻衣 敬順王殿奉王像王子降于麗北地

東國人文次第開官書經繹薛公才山僧強與人間事

輒向君王乞斧來 羅僧元曉唱於路云誰家沒柯斧

宗室寡婦

爛醉狂吟俯碧流遊人到此感浮休緋桃練李俱蕭瑟

不見嚴莊舊日樓 蛟川

新羅巖谷此生哀何處名山訪道回渺渺扁舟江海夢

舟以占之

小庭風雨葉浮來間山隱上大世才曰老死新羅山谷

節義標名可自憐不拘禪律是真禪好携矮屋青氈暖

放在金鰲背上眠清寒子

賤降空符大用年雌雄今古太相懸劔神知我頽唐甚

送到將軍斷石邊斷石山是金

蘆花灣酒中示崔紹雲

滌蕩江湖一鴈飛秋雲極目忽沾衣太行千里家何在  
華嶽中分計已非死馬一錢無賣處寒貂幾領欲忘歸  
偶來沉醉蘆花裏絕似桐江舊釣磯

東京道中雜詩

徐伐千年逐逝波琳宮幾處化桑麻樹王未罷杳羅會

猶放階前五色花慶州抵林寺有草花曰五

半月微彎古國城羅王宮殿艸痕平金堤柳色增搖落

腸斷西風玉笛聲半月城

金城四角艸萋萋遠客登臨野望迷忽憶當年金色積

始林樹裏午鷄啼鷄林

西嶽重含古國悲仙桃聖母有荒祠羽蓋霓旌迎送罷

匏花攤落雨垂垂仙桃山聖娘生赫居世為匏氏始祖

阿珍浦口鵲飛邊開國承家果有緣聖蹟荒唐誰證得

龍城消息竟茫然龍城國王妃生卯以為不祥棄之晉

成家泊于新羅有老嫗隨異謁得之潛橫而育之  
是為昔脫解余過東海邊昔氏新立碑閣于浦址

半月城平漲綠蕪天中突兀玉臺孤衣冠花草消沉地

刺眼斜陽認故都 瞻星臺

柏栗蕭然古寺開筍松無復偃風雷莊嚴又失梅檀像

曾自西天照影來 柏栗寺

諍師蛻骨芬皇寺過客扶筇問古碑三十萬筋銅像重

為留苦厄度爐時 芬皇寺有碑

十二峯低玉殿荒碧池依舊雁聲長莫尋天柱燒香處

野草痕溪內佛堂 雁鳴池

珠宮貝闕壓金鰲更有橫琴玉寶高寒霜吹盡鷄林葉

惟見山前萬里濤 金鰲山

鮑石亭前刷水晶淨沙坐洗樹陰清可憐曲水流觴畔

樵擔泥犁野酒傾 鮑石亭

大部庭中乙夜徂六村兒女績燈朱清秋明月嘉俳夕

愁絕蛾眉唱會蘇 六村女子績於大部之庭以八月十五夜校功負者罰之一受罰女子

舉袂唱云會蘇音調哀妙後遂為曲

家家新髻擁嵯峨人北人南去幾何梁地翻成秦四塞

宮中簇簇晚山多 羅谷以北方虛缺命婦人縮髻于後命曰北髻

龍驤豹蔚綺羅地谷變陵移臺榭傾古國千年名物在

野人籬落吠東京 短尾龍謂之東京狗

舞市升堂刺濟王可憐七歲妙兒郎座有荆卿應變色

戲場快活演黃倡 黃倡郎七歲舞之因刺濟王堵濟王召而觀之因刺濟王如

春風巷陌月明天會有仙翁紫袖翮貝齒頰唇來獻笑

太平歌舞鶴城前

羅王游鶴城處容現瑞月明巷即處容舞處

未忍西風別漢家銅仙鉛淚曉滂沱携過大嶺重吞炭

雙笛能為國士多

玉笛

金尺陵西落日黃牟梁驛外野茫茫滿目不堪憑吊處

寒烟四十八羅王

飛騰綺麗一千載俎豆干戈六部家今日眼看何處着

西風鷓子過新羅

半山微雨上方鐘憶煞松間佔畢翁怕悵雪岑復不見

老鳥栖畔夕陽紅

佔俾齋佛國寺詩晚踏招提境松間紫翠重青山半邊雨落日上方鐘梅

何處在祇今唯有老鳥棲

開落庭花有幾枝洞中眠鹿報人遲春山細雨濛濛濕

猶似清寒種竹時

清寒子祠在南山背長寺古址清寒背長寺古址清寒

細雨移溪竹微風護野梅小窓眠共鹿枯椅坐同灰不覺茅簷畔庭花落又開

流水孤村鷓去外天池六月怒鵬飛辰韓點墨濃如許

試到搏桑灑筆歸

玉山書院

亭晦齋李文元公彥廸

紫玉山中舊艸堂穹林秀石道心長溪光白日瀟瀟處

想見先生讀補亾

鬢城謁知縣再從叔父

羈情宦跡兩依依觴到深更不厭揮為底東平尋阮叔

撤墻新納四山圍

古詩選卷之二



回首人間事謬悠尋真直到海東頭踈雲澹月蓬山館  
却證浮生小歇休

不見官居竹數枝依山古堞艸離離小窓紅日蓬萊近

愛詠新詩憶柳綏柳綏蓬山館詩古堞依山麓官居

髀肉還生鬢雪催蹉跎志業首重廻遠游苦恨英雄少

驚見青梅佐客杯

蓬臺灣裏釣絲長魚美從須愛武昌蟹戶人烟顛頓甚

不堪大嚼近民堂

小蓬臺晦齋先生有小蓬臺詩試演詩意為此

鬢立城頭水拍天小蓬臺下月和烟自從紫玉山人返

寂寞風流二百年

惘然千載乘桴興晦老當年坐此臺我亦人間無意者  
松林石壁問津來

懷崔紹雲

海上開尊白日遲琴弦樵擔對牙期西風吹立東洋水  
又恸先生徑去時

浮圖庵示菊尊者

不見楞公若箇年滄桑世事已茫然紅江樓畔收殘照  
青海城中足瘴烟載酒玄亭悲北面草書素老話前緣  
浮生縱浪今如此又到桐華雨法天

桐華內院示夏峰上人

蒲團兀兀欲何為夏問溪山老古錐相逢鳥去雲來際

寄意鐘沉鼓寂時繙經小閣天花亂曬藥空庭佛日遲  
桑下不留三宿戀他年誰記到天涯

大丘城中訪鄭石樵詩復人孫晚桐坡宗泰秋懷詩有

會待楓凋鞭款段白門先訪石樵生之句余過達城遂造石樵

誰家欸段渡溪橋紅葉城西訪石樵為踏晚坡詩境過  
白門斜日雨瀟瀟

穉柳參參白下門西風終古易消魂黃昏剝啄原生面  
一例秋懷引得人

石樵誦其舊作佳甚率成長句示之石樵詩求名居

才分衣冠老達城絕幕當年領博士新詩別字  
石樵生驚開小榻春薰濕簾捲前山夕照明獨  
抱枯琴人不見寫來蕉葉雨中聲其子亦能屬  
辭有嘲府妓迎送詞金河橋畔浮沙堤客去紅

誰不住啼若使淚痕乾有迹  
也應楊柳亦斑之亦有新趣

獨抱枯琴寫雨聲高情不愧石為名我比米顛顛更甚  
擬將袍笏拜先生

枯筆為圖小米奇家鷄不厭右軍兒旗亭畫壁終難賭  
摠唱東風斑柳詞

石樵贖余墨竹一扇口號酬謝

个葉蕭疎只數竿溪亭風雨灑人寒定知費墨非佳手  
自有淋漓象外看

浪跡飄飄似轉蓬火雲無際向天東多憐手裡高人贈  
一路蕭蕭起竹風

十年袖石米南宮半世障塵王茂弘紉素秋風捐敝篋

蒲葵一日重江東  
愛寫幽蘭鄭板橋風摧雨折亦魂消酒酣却換奇橫筆  
掃取蒼寒萬尺條

題嶺南樓壁

天涯歲月感浮由蟋蟀聲中過密州試覓都家詩境裏  
一竿烟雨嶺南樓  
刁騷篁雨滿江村江上危樓黯斷魂斜陽獨放扁舟去  
萬疊青山向漆原

曹溪南庵與函溟上人譚川頌戲演

堂堂提筆作圓圈紙色如銀墨色立待汝鑿開文字眼  
却忘提筆這狂禪

儒經色臭證如如禪伯呵呵和會踈八萬藏中真實相  
只揚喜怒未生初

如如秘諦竟難同川老何曾古義蒙我本不承川老義  
西山禮拜講虛空

思量遮箇幾多時却是騰騰不可思拈取山人行脚事  
雲山萬里一筇枝

我朝中葉儒風盛却重深山老古錐過客不知慈氏法  
倚筇細讀蔡公碑

雙溪方丈

斜日石門整客襟洞中仙靄望沉沉雙溪水活孤雲墨  
二鶴峯青六祖心僧縛竹籬防虎密寺餐松葉拒人深

上方七佛如相見許施祗園布地金

頭流詠古

木落山空鶴子哀千年玉寶有荒臺石槽永夜琮瑋水  
猶譜靈琴卅曲來 玉寶高

記到丹山碧水湄鑾坡學士鬢成絲風波兩地歸來晚  
桂室松堂坐賦詩 俞雷溪

萬疊青山一派江菰蒲春雨暗船窓浩然天地容吾蠹  
麥熟花開酒滿缸 鄭一蠹

冥翁又一阿羅漢記昔黃牛脇十穿白首到家河滿腹  
免教趙老哭蒼天 曹南溟

僧伽梨好換朝衣直為逃名也自稀誰識功高青海伯

真遊長白學禪機

碧松禪師

青鶴洞

眉毛拖地古仙翁青鶴飛邊愛住笻洞府深溪休作記

買山恐與沃州同

許曆史作青鶴洞記謂洞在佛日東以青鶴峰為證

壽井分明居士筆譚傳青鶴洞新開至竟仙源皆假託  
漁郎無處問津來

挈家多住公田口屋後青山細路新鷄犬桑麻都料理  
時平未敢作秦人

浮由半世不求田嬾向雲山縛數椽但覓山中一隻鶴  
月明吹笛向秋天

得脚瘡投碧松庵留治四十日不愈

雨打風吹到家園高僧一笑故無言未知聖佛當時事  
俱絆芒鞋走一番

用大慧  
書狀語

千山萬水行看子我脚天然佛脚求却看今朝驢脚病  
閉門蕭寺送清秋

碧松庵病中感興

南涉滄溟萬里流東臨楓嶽數峰秋纔憐半世隨名轉  
鑽紙山蜂觸處愁  
慚愧吾家彌勒尊不求羅睺奉晨昏猶來無死情應切  
辦得何功報佛恩  
空憶同歸潁尾鄉廿年風雨少聯床縱令世世爲兄弟  
未抵浮生別一場

默證同心壽鏡開西園勝事首重回十年禽向名山約

智異千峰獨去來

李桐八根洪

送客天涯夢未踈鷓鴣坊裡閉門居那堪縱步人烟外

獨嘗孤雲石背書

鄭六書基軾

回憶童羣騎竹初深源氣槩拾人餘功名輸與黃驄背

獨入雲山訪異書

鄭蓉山建朝

蕭寺秋寒獨宿敦蒲團佛火夜悠哉東方千騎非吾事  
慚愧羅敷望我回

太息維摩病起遲名山幾處悞幽期遙憐玉寶橫琴地

鶴意雲情十二時

瘡稍愈重九日下山

今朝稽首藥王尊脚病雖瘥病尙存半世馳驅心不歇  
又扶筇竹出山門

久別江湖舊酒徒蕭辰客夢不勝孤紛然人影黃花底  
慚愧山僧自挈壺

通度極樂爐殿戲示鏡波上人

人間極樂隨緣在不慕蓮花九品臺但乞山中好泉石  
一場爛醉困眠回

國農湖蓮花盛開

南湖秋水綠於油妙法蓮花蕩客愁半日迎風洲上坐

無人解請盜香游

釋典有人於蓮池上迎  
風盜香爲池神所誚

臺石樓

雨鳴竹樹水揚波落日憑闌感慨多宇宙蕭疎雙鬢晚  
秋風鴈影滿汾河

踟躕

山梨初熟酒橫壚峽裏秋深得自娛隱計未成歸興緩  
藍溪斜日獨踟躕

黃江道中遇林海史

君於阮老早升堂我似西河久去鄉此日相逢復何說  
空山流水對沾裳

尊祖隆君道竝行聖人制作本緣情不知大意劉原父  
苦逼韓歐不得生

但須禹鼓兼堯木奚摘坡詩與惲書黃江如練山如畫

只少先生早退居

銀海寺

密巖大雄殿圓滿寶華樓攀玩先生筆蕭疎海嶽秋

有寺

阮堂先生樓殿扁書

壽春道中

襪底江光綠浸天  
昭陽芳艸放筇眠  
浮生不及長堤柳  
過盡東風未脫綿

登鳳儀山絕頂

九霄真與鳳翱翔  
眼界辰韓盡朔方  
終日清暉涵水木  
滿空佳氣護金湯  
論形最有星翁細  
建議無如李相良  
自是王公能設險  
殷憂不盡在環洋

道中聞鴈有感

豈爲區區稻粱計  
秋來春去奈忙何  
只愛寒空如意闊  
在泥日少在雲多

天安道中

關河歲月感蹉跎  
珠露金風日夜多  
頓失人間蕉萃根  
名山一路有秋花

龍城遇雨

清晨衣上三分雨  
昨暮山西萬朶雲  
過嶺看天成一笑  
布衫真重七來斤  
此生閱歷幾關河  
又向頭流頂上過  
不識收因何處是  
嶺南風雪老年多

訪成次蘭蕙永水城村莊

高人知在南坡住竹屋松籬畫不如清曉敲門者誰子  
相思千里訪君居次蘭一號南坡

泗川道中次蘭以菊花一枝贈別

籬下寒花折一枝西風隨到手中吹臨歧不忘仁人贈  
普葆幽芳歲暮時

秋雲如縷繫情多泗上看天日又斜萬里關河相送意  
不知是淚是緇花次蘭別下涕

西笑集

南坡拜署





歲月移才便成大藥海山深  
不可移靈器傲言契道盡求  
決心文章一事有古無今  
天風蓬島曉雪匡廬神氣生  
東是先生居手把芙蓉招不  
得去而為詩仙以証仙歎

月人成憲永



縱橫禮樂三子字游  
戲文章四十年寂惜  
廣陵無古調海山何處  
見琴仙 取堂李源競

空經玉璫玉綺玉爛玉仗  
轉有目以經也石是人是鬼  
是仙是佛地富海酒文胡理  
達三去自本機杯在用別果  
竟為錄為珠而布為業

左海頭人遂堂李元題

古歡堂收艸卷之三

天水 姜 璋 慈 配 著  
完山 李 建 昌 甯 齋 校  
蓬萊 鄭 萬 朝 懋 亭 編

西笑集

李石帆

建弼

記注戲寫余小照強余作贊

不端正一狂士呼他狂士他便噴要覓自家真實相  
龍眠手裏與傳神  
呼馬呼牛無不可呼他鹿豕他都肯一生決驟怕逢人  
與我遊者無乃聖  
龍鐘我相不曾轉豈有人間第二身竭來十丈梅花下

明月庭空影影真

附李桐人

根洙

上舍戲題岷髯像

燈前顴頰任模糊  
硯背鬚眉不妨麁  
耐想尋師千里外  
海天一笠近髯蘇  
忽若遺形世外遊  
篁烟橘月海南頭  
卷裏商量如豆影  
恐增金佛度爐愁  
萬二千峰佛頂人  
七十二鷗堂中影  
忽如枯木忽奔湍  
山人定本定非定  
阮堂夫子詩兼筆  
海內流傳歎未曾  
憐君骨相荒寒甚  
特贊龍門一部僧

京師遇林海史

春首陰陰未放晴  
江湖遠客帶長程  
漁樵屋暖門俱閉  
商旅天寒道少行  
明時敢獻劉蕡策  
年少從無賈誼名  
千里京師衝雪到  
私憐于世未忘情  
九陌燈明夜不昏  
滿城風雪覓春痕  
千里相憐惟北嶽  
五更殘夢是南村  
今宵此會知猶健  
他日重逢合斷魂  
去去萬山千水外  
漂居物色異鄉園

訪李松泉

暇在

北營直廬

春來百鳥摠關聽  
豹直沈溪不下庭  
北酒到臍三斗碧  
南山印眼一圭青  
他年車笠曾留誓  
此日苔岑早忘形  
昨夜尊前游夢好  
朱溪西角有茆亭

答李青田

晴

問邦禮

從千古不祧曾王歷 九朝來有典章三傳僖躋淪賈  
 彥羣儒濮議表歐陽異室同堂隨世變四親尊祀秉彝  
 常宋朝兩說存疑在此案如何斷得當國朝值如今典  
 興獻議時俱裂毗鹿門及見眾先生千秋隻眼文章別  
 季世同聲義理爭文昭武穆兒孫序義重恩輕外內情  
 黃扉自詭儒臣議先見難追故相明九當時只宜爰據  
引程朱兩存之說○鄭翼憲公當己亥邦禮只援  
貞熹王后服睿宗大王請行時王之制宋文正公  
後以爲鄭相先見難及今日亦宜如鄭公  
所陳不當自附儒賢之議此是彝齋失處

奉和申威堂台丈江上贈別  
 一宿滄浪亭上月三望白岳雨中峰蓬根只與長風約  
 又墮關山幾萬重

送申香農正熙使君之任吉州

不咸山上有天池流溢東西南北之駭隊曾逢驚物異  
 麋王一別使人思浮生渺渺將安泊大陸蒼蒼亦有涯  
 好去乘風臨絕頂手摩齊魯眾孫兒燕都紀開長白山

東岳泰山長白山即我人所稱白頭山也

申惟吾爽熙小貞山房小集

不妨晚就淹郎官招友看書丈室寬纔得優遊如此好  
 向來閱歷幾多難未堪白首因人熱乍可青燈共歲寒  
 欲對黃花留一語今宵異夕較清歡

李石帆朴小翠二公俱曾戲寫余像並辱眾先生  
 屬題借在鄭六書基賦書幅六書歿後竟不知

所在敝笥僅有鈔本愴然援筆志懷

清閼圖書綠水園零綃鬢札重璵璠笛聲一下山陽淚  
虹月難尋江上痕

身如池燕無留影跡似泥鴻黯舊痕欲藉羣公遊戲筆  
南方招返廿年魂

浮生閱歷幾鍾爐舊態淋漓掃盡無三渡恒河形貌改  
朽株殘雪不堪圖

不諱孫吳不諱禪只慚鹵蔑墜師傳至今猶有瞳中碧  
曾照金鰲背上仙

附阮堂先生戲題慈岷小真

萬二千峰得得歸峰峰一相妙機微毫端遺邇丰松

影問否圓真是也非

曾於句步倨行工忽謾華嚴樓閣風拈得維摩非二  
義回頭覓覓自家中

世上元無可畫人荒寒筆意出風塵不知四七雲臺  
像當日如何太放真

顧影燈光謾描摹瞳中碧已具眉須揀無風雨行藏  
足愁絕千秋笠屐圖

附阮堂先生題小翠寫慈岷像

長吉通眉攝後身坡公瘦顧作前因匠心若較蘭亭  
面定武神龍孰是真

士夫畫者今無傳觀我齋來百十年潘南黼黻文章

手邂逅精能試墨緣

鄭石汀

範朝

待制差崇祭獻官於崇禮門齋次屬

筆

黼珮從容蔽夜崇憂民體國藹深誠水中苗稼多時困  
 屋上波濤幾處驚經濟盛時方繼武唱酬茲地溯餘情  
 詞垣久擅拿雲手淨掃天街素月橫奉次經山相公南  
 宏詞鴻筆鬯華譽雲月三清接起居密友不譚溫室樹  
 殊慈盡讀秘監書緇衣又改仍名巷奎壁橫陳是直廬  
 揚挖風騷吾豈敢歸來屢歎素襟虛  
 江湖歷落少延譽天地周流未卜居已除萬緣惟縱酒  
 猶餘一願盡觀書蘇洵謬喜粗成道孟浩何堪憶敞廬

不遇石汀敦夙好誰憐老氣尚凌虛

石汀待制玉泉山館邀飲

縷縷毫端五色霞鑾坡學士美風華登墀主識尚書履  
 解榻人忘獻子家遠道情深寄芳艸調羹事在作寒花  
 東山優暇從難得勸惜流年兩鬢雅  
 東野偏知氣味寒沈郎不惜帶圍寬一經紅酒如迎友  
 百本青箱勝拜官縞袂林園勞寄夢緇衣賓館勸加餐  
 浮生縱浪君休笑且試人間道路難

擬端午進帖

岐麥連雲壘館牢九重撫節薦含桃寰區共食昌明福  
 廟筭先疲乙夜勞芝領五兵陰沴伏榴房百子瑞陽高

高明出治端  
茲月北望蓬萊壓六鰲  
殿閣時來解愠風  
公權筆諫慕重瞳  
已儲醫國三年艾  
更鑄無私百鍊銅  
臯陶調鼎蘭湯溢  
正則盈庭角黍豐  
氤氳最是菖蒲酒  
萬歲堯尊日正中

別申香農防禦

野色茫茫感我行  
寒天星斗曉縱橫  
依遲月榭梅花影  
歸去春山杜宇聲  
九牧收金祗鑄錯  
三朝抱玉竟何成  
名園日日生芳艸  
比似騷人別後情

擬策成酌酒而燒之

縱橫兵餉三千字  
墨舞毫歌一月餘  
只是都門難徙木  
誰將大國比烹魚  
明時無藉劉蕡策  
來世寧行賈誼書

仰視青天燒拉雜  
好將原本返空虛

威堂大將軍示余申貞武公

命薄

輓詞余僭補一

絕大將軍笑曰留下二句以俟後日為佳

竇帥神明無夜警  
狄公正直撤淫祠  
高擎大雅扶輪手  
力贊昭奸鑄鼎時

附原詩

維嶽英靈匪虎姿  
五朝紳笏佐明時  
海關政績豚魚感  
湖嶠威名艸木知  
單車汾闌息塵回  
匹馬宮門望火來  
急病讓夷丞相筆  
異時史傳早留材  
清白傳家絕伎矜  
建勳萬卷老逾增  
幾尊風雨留賓

酒一穗湖山讀史燈

大司寇與執金吾仕宦幾人得此無贊皇一品非踰  
分特感 知臣 寵命殊

西南宦跡兩依依步武樞衡老不違一言謬許平生  
要萬事空懷後死悲

申承宣邀飲惟吾室

秋霜日日上顛毛歸夢滄波買釣舫伯虎中年餘落魄  
元龍少日謾麤豪匡廬曉色千峰雪瀛海寒聲萬里濤  
北去南來年又暮此身端的爲誰勞

園亭幽闋似林廬樹杪玲瓏得月初區宇正逢閒歲月  
神仙更得好樓居泥爐紅碧新醅酒棐几丹黃選本書

富貴逼人須早計勸君珍重作三餘

沁營有軍擾感而有作

扶鼎論功有一絲吾曹閭巷解風詩杜牧罪言唐長策  
賈生痛哭漢明時驕兵難用從前有德將儲材覺已遲  
遠逝卜居俱不了此疑那得決於龜

通津村舍

搖落童城野望長霜楓烟柳換年光縱觀宇宙雙瞳碧  
相對江湖兩鬢蒼竊道枉耽狂阮酒隱居獨愛小宗香  
兼宵風雨連床夢好似招携在故鄉

蕭然陋室德惟吾欸客猶携綠玉壺海岳全憑公輩在  
風騷得到古人無百方異硯傾端歛數樹寒花譜石湖



千載山陰無此興柴關風雨夜相呼

敬次申威堂尙書梅雪韻

同雲纔豁縷霞纖霽後青冠象夏嚴梁館繁華連樹壁  
謝庭歡笑滿空鹽羊羔酒重銷金帳鴉鳴聲淡碧瓦簷  
歐九眼中兵升萬暖風噓出凍毫尖  
陣陣風林起凍鴉涼州一闕走冰車麥根三尺來春水  
樹杪千重此夜花高臥哀生誰掃逕遠遊呂老尙携家  
六年已習山中苦一擔前頭路幾叉  
也曾醜怪也嬋妍古樹生花雪滿園晚艷願酬春雨露  
孤芳合得冷晨昏分明漢女遊時態黯黯江郎別後魂  
白石如今詞總廢尙邀殘笛侑殘罇

絳雪樓前共賞時晚香堂裏幾篇詩鄉園舊約栽千樹  
驛使新邀折一枝滿路卷旄甘自棄盈門桃李本無私  
黃昏細月江南岸罽網粘泥一任吹

申惟吾書莊遇許小癡錄話舊

一世浮由戀故歡滿天風雪到長安謝公蠟屐添新興  
范叔綈袍照舊寒幾遣素心泉下去獨留青眼酒中看  
癡翁八十仍無遇信有人間道路難  
遊歷空歎莫我知何如端坐學無爲再來玄觀芳華盡  
九轉丹爐歲月遲此老未衰當世志無人共解暮年悲  
忽忽一面紅塵裏海上青山問後期

白雲山齋集

古詩堂故事

丁酉年此書卷之二

八

錦之山巖蒼翠錦山  
清且漪煙霏雨屐時來  
生得其境者錦翁已詩

懋亭鄭萬朝題



古歡堂收艸卷之四

天水 姜 璋 慈岷著  
完山 李建昌 甯齋校  
蓬萊 鄭萬朝 懋亭編

錦洞唱酬集

初寓錦洞李松泉

暇在葺石

晚在

崔琴溪

魏

携酒

見枉

百草香殘感緒繁江干茆屋倚黃昏峽水送波沾炙硯  
高松分綠蔭柴門遠道夫妻推一輦故人阡陌枉相存  
畸裝到此無餘願沉醉仙家碧玉尊  
不稼年年感素餐幽棲滿壁畫秋蘭三間屋半尊書窄

數笏庭猶讓竹寬看鬪青冥如却老坐憐黃葉不知寒  
蓬風萬里隨緣轉茅棟蕭蕭易得安

箕石山房小集

此地曾經住僕仙雲飛不出洞中天潭空細數游魚鬣  
山靜遲回倦鶴眠樊遲小人今學稼元龍豪士老求田  
瓦尊滿酌君須醉萬里風花萬里烟  
不成將相不成仙且可持盃望碧天花暖與君聯屐去  
夜涼還我一床眠薜蘿中開行藥地芙蓉傍鑿種魚田  
平生耽隱心纔了遙禮名山一縷烟

錦河雜興

總廢詩篇漫復成竹床無寐有松聲溪樹花開人不見

空江月墮水猶明白雲獨去瞻鄉國黃鳥頻啼念友生  
正到山深人靜處琴仙與我屢移情

茆茨縹緲倚雲臺高樹陰清百鳥來雨侵苔徑從他滑  
風到松窻得自開蠟殘尚理高前屐螯美那停右手杯  
拄杖柴門成小立前峰留待白雲迴

家叔父嘗約借隱匡廬尋卒不肖寓此有感

攬蔥翹天日色微峽中烟雨翠霏霏萬里悲風蓬葉轉  
百年短景種花飛阮公永已窮途哭霞客猶遲故土歸  
約共平生栖隱處碧潭如月萬峰圍

秋日與文九霞韵崔琴溪日集箕石山房鈔書賦

詩

耽隱名山就二何悠悠世事付滄波賦詩少乏凌雲氣  
酒後猶為斫地歌竹榻青天涼漸遠茅檐踈雨夜相過  
不龜妙藥供消暑轉愧箕裘在止戈時欽所輯百金方

橫斲古壁仿雲雷畫裏溪山異境開夜坐漸憐明月減  
酒醒偏喜肅霜來偶隨谷鳥無心出緩趁岳峰得意回  
幽人頽懶詩無品任擲芳暉與綠苔

夜上西樓放醉吟橫天素月壓瑤琴羊裘有地先開選  
密阮無官共入林古畫千尋修竹影清流一掬大江心  
淺沙紋石溪亭晏笠屐歸來喜不禁

奉酬

琴堂夫子志峨峨九曲流杯到薜蘿偶愛東籬見山色  
不堪北望耿秋河舟行眼底難求劔碁罷人間易爛柯  
且就壺中耽小隱纖塵不到嬾雲多

謁威堂台丈歸路醉甚

痛飲西陂酒橫過次山嶺白雲澹往還秋日不勝永

錦洞月夜懷申香農正熙太僕

香田農客烟霞骨久墮塵中厭汨滑似聞早晏辦貲來  
買取西陂一規月

其石携余歷晤許上舍佐

南州麥熟乍為寒溪屋花開未肯殘眉宇乍看疑得道  
山居如此肯求官楹頭舊業書千本洞裏高遊墨一丸

相憶何須風月夕離情迢遞白雲端

閨夕

蕭蕭中夜雨決決滿山泉幽客喜清聽未妨窓下眠  
周旋逢勝友寤寐去嗔心一言契至道坐樂碧山溪  
架頭百本書園裏數畦藥鄰曲澹相從不知山月落

齋中讀書

手中書一編消受茆齋靜山雨晚來過已添修竹影

塾中示同學

不具眼外眼誰知紙墨妙低首三十年與子共探討  
開卷第一字學字最先學而今忽恟怍不知伊著落  
要復本來明還尋別處去格物解紛紜不知是忠恕

學大 庸中 記學

漁父

不見釣魚翁迢迢對江火誰能沙上眠我愛月邊坐

雨中懷子畏

崔琴一  
字子畏

子畏吾畏友抗志入山林烟霧千峰裏蓬蒿一屋深  
江高幾尺風雨阻相尋未裹三旬飯如聞子夜琴

聞雷

時方  
大旱

天雷本无妄夜坐望雲衢上穹日作雨一點到地無

田家詞

暮入晨還出乳眠常齟齬作得一年農峽兒啼避父

尺子

飢作螭蟾咽煖爲蝴蝶眠阿翁自外至俯視一欣然

其石致書與詩走和其韵余自甘文歸後頭函也  
勝地甘文國興來信一節明月樓中笛東林寺裡鐘歸  
心轉怕悵握手未從容雙鯉誰携到開械意萬重

述言示同學

秋翁一瓣香先自五言入性靈有孤詣始與眾賢立

見螢火

大勾陶萬物腐艸復爲螢微輝耿自照獨去杳難停夜  
深度南閣遊子起長歎所思在遠途流光已暗換

閒夕

耐劇能幾時耐閒難一夕誰與空山中百年共幽悶胸  
中五岳青屋裡孤燈白向晦佩明訓怡然萬慮釋

田家翁辭

西舍老田父須髮皓如雪携榼負童孫時來就我說少  
壯翁何事未耨是本業身手具天祿飽煖無巧法今年  
頗憫早到處禾黍渴兒曹幸努力芄芄多可悅野言却  
臻妙聽來心屢折而我久勞生硯田報蔑裂

風

雲物秋彌旱江山晚忽風故人自何處吹我小樓中遠  
挾灘聲至頓收暑氣空已看山數角雨色碧濛濛

大雨

六月農時晚南州大雨行踰旬拚衆命一霖洽羣情山  
餉凌晨作水田薄暮細似聞鄰叟語猶可望年成

山家一何素瓦尊不常具幽人臭味同澹泊時常聚長  
夏陂塘曲景物更蕭疎誰與停翠蓋綽約千芙蓉戶牖  
皆香氣迎風每踟躇狂來掬欲飲池水如醜黜山妻解  
人意曉掃隔竹曰搗秫百千杵麴塵飛黃柳汲回石泉  
清炊烟青一縷白墮復如何調勻信素手托出青堤上  
笑譁驚村婦一葉替一甕七甕懸如溜溪風細裊裊扶  
以數竿竹朱陽下曝之經日便能熟相煩一晨夕聽雨  
此茆屋沙堤響幽屐分坐塘左右朝來憤不堪未防畢  
吏部水香與藕香醅醅知已久入水細折來無令汞珠  
走解苞散清芬悅可眾人口酌之復勿疑一滴千歲壽

太乙酒歌

持此真一味欲傲世間酒微醉發長歌黃月臨東斗

附申三琴

樂熙

和太乙酒歌

三壺先生有奇癖尋常飲酒能一石興來指點有神  
機綠塘千葉化尊彝中有仙翁太乙酒一酌令人千  
歲壽此方出真詮未許人人傳知君服食喜求實停  
杯爲君試一述先生家住蓮池邊形色臭味都似蓮  
蓮花以養視蓮香以養鼻蓮心以養苦蓮子以養生  
蓮日以養耀蓮雨以養清蓮泥以養定蓮風以養輕  
蓮開以養德蓮合以養名所養各有宜蓮酒以養靈  
蓮酒復如何釀酒蓮葉裏蓮葉一盤承仙露蓮藕七  
孔俱通理居然一宿成大覺可憐滴滴曹溪旨酒成



招飲不宜遲優曇鉢華現一時酒味甘而冽酒色湛  
且碧何用罄漿下即可麟脯擘香藕與香酒並湊成  
異香一飲沉痾去再飲壽命長連飲無何有使遊白  
雲鄉但恨山溪人不見此酒雖在將誰勸盡日獨醉  
還獨醒姓名不登酒人傳

太乙酒爲人所盜

綠波爲外護明月爲看守我藏太乙酒豈不重且固誰  
知赤脚仙夜半壑移船晨渴赴青塘竹竿空裊裊雖失  
入唇味還添開口笑

一解

前有東方生竊飲君山酒偷醉甕間眠復有畢吏部偷  
竊誠惡行二賢乃如茲莫謗村夫子爛熳是天機性情

有必至尤物使人狂不見他人過但賞吾酒香

二解

我初爲此酒未足洽諸鄰約招二三友圍坐一沾唇傍  
人未染指醜沫自津津茲事足致盜誰與醜返醇終當  
釀千葉與爾歇偷心

三解

山池荷花盛開申三琴小琴

贊

權圭園

詞

同賞

山村未有池有池纔五年有池又無花綠波自淪漣往  
春寓池北傍池縛數椽故人憐無賴携酒飲池邊幽居  
太寂寞此池殊可憐因言朱溪池百來稱瑞蓮無種輒  
自生滿池紅欲燃茲邑間凋弊蓮盛戶增編土人候榮  
悴民物與之然茲言未必信求藹或勸焉因劘數本來  
種我艸堂前根斷恐不活葉抽喜田田無力初黏水筍

脚乃擎天遙盜風香觸聞數露珠圓日日循池步因得  
憂思蠲及至夏秋際氣完始吐妍六蒂並抱殼二萼竟  
聯蟬當年種卽花此祥世俱傳狂喜報同社談讌及花  
天共占文明兆從締翰墨緣可仿金帶圍一花當一員  
黃葉崔不雕青蓮李謫仙是誰文衡山謂我慈溪顛茲  
地固根柢無數花山權誰當膺此瑞花笑姿逾媽當仁  
有不讓雅謔共洵拳其爭也君子墮杯污樽筵茲游信  
可樂荷袂日相聯優曇既乍現舊雨復相懸詞伯游甘  
州獨躡金鰲巔小友逃灞陵仰觀竹瀑淵池水淨如故  
照影懷纏絲今年苦小雨灌溉四鄰喧大魚不藏鱗新  
藻時見根仙種故無恙出水已軒軒青錢偏廣郭翠蓋

忽高攀葉浮遠點綴根走下蔓延一夜不見水疊翠隱  
屋椽高葉如穹廬低葉盡鋪氈綠霧常彌壑白鳥未破  
烟人言芙蓉盛無如此池偏節較去年早荷比去年全  
晨起拓南窓體氣頓登鮮忽見一萼吐如叅妙喜禪彌  
陀現佛土淨胎結三千滂澎去夜雨瓦溝懸流泉荷花  
競得意滿塘翻便覆冰雪藐姑翁乘風欲高騫特立數  
君子閉戶自閒眠窈窕宮粧女微醉相倚肩風流貴介  
子濁世誇翩翩如登太華巔如乘太乙船如聞花上神  
熾然說真詮異態殊不一妙喻誰能宣物性喜得所我  
居悲屢遷况復憶舊渚浩渺隔山川安得共樽酒重與  
擘彩霞諱及往年事瑞華任自專人人既有餘花花詎

爭先滿村皆富麗入學事製鉛學筆則大吉動步無尤  
愆雲路共翱翔鄉里妙周旋學盃屬荷花我懷增連蜷  
茲會復不易華裾共褊褰東陽雙玉琴揮手謝成連南  
縮誦白圭出口恥譏諷劄心究古詩俯首經義挈童卯  
安可期頗能味簡編他日望成就共爲拔茅賢方不負  
此花對花宜勉旃山中一古事後來或相沿請浣五色  
筆俱各著于篇

暴漲

一夕黃花漲山村水及扉長橋豪見奪大樹蕩無依翻  
覆傾天注翱翔向海歸扁舟何敢放深泊待晴暉

訪子畏潭上步月

清夜無塵夢溪山有月來羣岫破暝色中庭照綠苔久  
坐開書卷沉吟舉酒杯兒曹同詠桂誰是出羣才  
明月行天上流光到屋中遠人眠不就忘意句還工玉  
佩幽泉響金戈怒竹豪空山人不老節序自怱怱

讀杜

牛羊下來久各已閉柴門句杜久字各已字豈不是俚言  
詩家忌俚言又忌使經語游蜂轉蜜時亦採糞壤去此  
妙多不解微杜吾誰與

讀任氏鹿門集噫括集中語爲五字

聞有一物事虛圓盛大底無內外終始及分段邊際塊  
然又浩然尊之曰天帝天帝儘巍然是我本然體東國

有通儒始談這義諦暮年得此奇書之以自勵

風詠亭春日感遇示同遊諸君

曾點有微言河汾振遺緒羣賢贊皇業俱是講道侶偉哉三子撰夫子皆深許聖門多英才最難是軍旅綜理掌金穀周旋妙尊俎如是七十輩龍騰而鳳翥濟濟冠童倫成就皆章甫小者爲名士大者爲師傳未措朞月用卽此足千古吾師夙昔志登山小東魯歸歟晚發歎歷聘無所遇鉅商感獲麟曠野咏匪虎不如返故居授徒書強著儲材需歲月任此責亦鉅清流蕩垢滓善風襟袖貯韶光媚眼前釋我胸中慮辭澹而氣婉誰知鍼裹絮聖心本如此含情故未吐高足解人意聽辭瑟猶

鼓一言忽破悶抓著我癢處由旣莞爾笑哲亦喟然與問旨旣丁寧對辭非齟齬本痛九州溺豈貴千仞學堯舜無此懷氣像安所據陋儒繹經義不解匠心苦那知通人眼亦有三尺霧我愛黃楚望獨傳古肺腑我憫洞庭客一讀易瀉奇怒承平嬉春服海宇值多故誰與辦此者儒門盡庸腐俛仰千載來渺然懷季路諸君旣到此且坐譚論語經書曰晤

舞鶴篇寄呈玄鶴館

咸堂句大朱溪居停時樓名

石琴堂前雙氣氤來自羊角之山石壁中石壁槎枒一千仞下臨江水磨青銅憶昨先生携我輩富春山下浮吟篷半日不過嚴陵瀨七里春水烟濛濛忽驚雲雷兼

亂麻斧劈老巖何巖石間栖止玄衣裳遙識仙禽啼  
上風一鶴得意翔天外一鶴歸巢哺未終二雛側頸瞰  
巢外丹睛生輝毛未豐玉寶高去二千年不謂瑞羽遊  
天東土人不知是何物題品水鷓與圃鴻慧禽防患養  
兒孫人生漂泊隨飛蓬鳳凰孔雀集誰家舉酒感慨東  
坡翁歸來頗聞毛羽長玄彩照日紛玲瓏好事仰首取  
不得誰出下策爲火攻危機直逼丹邱穴天壑無賴馮  
夷宮脆翼拍拍纔過江力盡就擒誇奇功山村食盡當  
燒琴鶴乎賦命至此窮不枉詩人喚韓翃遠煩赤脚携  
雕籠丹嘴脩脛貌魁梧階前對峙分雌雄先生得之意  
欣然哺養一與赤子同卽成鶴屋編細竹更規鶴糧捕

畫蟲漸習隨人如須母張翅仰喉色忡忡鶴意應適同  
江湖山池水碧菰蒲蓼翩翩自是雲天姿先生意惜過  
支公教兒仍成玄鶴篇端莊流麗何其工朝來雙鶴忽  
軒翥徘徊直欲九霄冲咫尺清都應見招仙人羽蓋倚  
崑崙終是義重情不忘下立山庭蕉花紅還向庭中舞  
一回僊僊步武追絲桐移向花前屹不動海天遠思睡  
朦朧德意成就及微命驚詫漁叟歡樵童先生羽儀朝  
端日愷悌之澤誰不蒙况共忠良翼 聖明大哉天地  
均併幪先生馳書告同社兼寄香醪替碧筒紫裘腰笛  
者誰子拊掌三歎悲遭逢明朝披警急走去仰看飛鶴  
盤虛空

李晤堂

集秀

上舍自懷山見訪同至箕石山房信

宿而別

高人情汗漫肯就小溪東  
溪峽茅茨暗頻霜  
櫛葉紅去來多世界  
鬢髮共秋風  
試賣壺公藥相攜入橘中  
西南山窈窕遊子此逃空  
滿峽黃梅雨近人  
紫菊蕤聊借萊婦隱  
休歎阮道窮  
長風吹萬里誰與約飛蓬

楊山訪李在山

字鎮

紙窓風雪喜相於  
老友無田尚有書  
春夢偶佳偏認實  
倦遊無賴欲憑虛  
華表不歸人化鶴  
武昌宦徙水兼魚  
祇憐半世繙經約  
又是忽忽送歲餘  
把酒譚詩興轉遙  
浮生得此不蕭條  
廿年舊約青山在

一笑相看白日消  
何處誅茆成比屋  
此間問竹欲過橋  
吾曹料理無多事  
白木長鑿共在腰

過楓江懷李晤堂上舍

遊歷多名士  
晤堂是我師  
廣霞千萬疊  
端坐讀虞詩  
記曾携手過楓溪  
衰艸粘天日欲低  
今日春江花萬點  
知從高士屋東西

西行道中寄星湖

桓圭

約集香山

故人家住戴溪灣  
指點衡茅杳靄間  
劈面烟霞奇興劇  
扶筇徑入妙香山

姑蘇城懷趙虞候

然牧

天風浩浩海漫漫  
永保亭高獨倚闌  
相望無由寄悵

雲中一髮是圓山

續題同人咏蟬詩卷

竹床轉輾待秋晴山雨山烟苦不清誰帶西風消息到

萬林蕭瑟一蟬聲

初蟬

昨日陰陰今日晴江千秋思晚來清爽岸高低千萬柳

可憐無樹不蟬聲

晚蟬

山居四時詞次韻和朴南坡

南植

幾生忙煞此生閒旅泊居然水石間一笏卓空遙下拜

微明殘雪赤裳山

澹澹春流岸岸平幾家急務話治生深山多少黃精出

獨趁林中鹿子行

山家富貴牡丹黃偏有花香入酒香欲採苦茶山裡去  
青藜覓得過眉長

芥花黃盡匏花初苦少山田雨一鋤接得八楞多少活

晴窓不賴檢秦書

促織聲悲螢火流一時迸出艸堂秋張翰早解江東好

日日湖風放釣舟

來鶴東南第幾峰烏雲挾雨澹還濃幽人知在中峰住

紅樹從遮一萬重

雨外鷓鴣一隻飛一點兩點豆稽稀山翁堅着蘆花睡

不許妻來換舊衣

林風吹帽落烏紗幾度探梅又訪茶却是閉門高臥處

漫天塞地雪爲花

山居四時詞次東坡韻和申小琴

山人臥處萬花落大覆蒼蒼仰帝幙遊筇疑自入桃源  
谷谷春流泛紅蓼

藐姑山翁冰雪肥山裏逢人相問誰自言半世染塵土  
濯錦江清來浣衣

江流浩浩不勝永江風瑟瑟還欲冷盡日遊行不見花  
萬松結翠溪陰靜

但看歡笑不曾鬢苦樂升沉世味均誰知採藥山中客  
却是青梅煮酒人

遠山澹似蛾眉綠石瀨清逾擁絲竹牡丹海棠紅蕉花

秋光點綴一茅屋

慵來日日掩山扃手把金文不下庭一自窮途客去後  
無緣獨發嘯臺聲

凍雲全吞山一角山氣模糊暮寒薄擁衾頻問雪幾尺  
酒醒已喜霏霏落

還有黃昏未定鷓偏憐紅黑欲殘霞空山慘澹君知否  
養得春來大界花

四時詞復次前韻和南坡

一春消受一春閒家在幽花恠石間金碧樓臺摹不韻  
而今拈筆畫雲山

紅蕉溪館月明初隣子相尋趁罷鋤斜陽一陣中峰雨



聽水還停半日書

詞人到處劇風流恠底蕭寥愛賦秋却憶陳家詩弟子  
滿汀黃葉帶扁舟

年華鼎鼎薄於紗世味空空澹似茶  
竭來雨雪無人境坐擁銅坑萬樹花

題山居四時詞詩卷後

我住琴洞恰二年山家苦樂略能宣  
四時俱苦還俱樂大抵祗謀二頃田

奉次洪海士先生翰周喚睡亭五古

自余學詩日瓣香在山谷上萍窮老杜放流至懷麓  
一朝盡捨之去擊屠門筑猖狂而恣肆騁意競歡逐那知

分毫間明珠混魚目得失不可憑  
臬盧擲五木歸歟晚發歎遠行在持獨忽於逆旅間邂逅老尊宿  
眾體各造極曠然心悅服理裝向長田願借樓下屋

訪鄭雲齋基雨德里寓莊滯雨談詩遣興

溪春到此不曾期小雨留人儘更奇  
營巢燕嘴泥融地結子桃花氣暖時  
山水緜緣憐酒在詩書得意許燈知  
九句正值三旬展一日仍消兩日遲

一春遊遍幾亭臺客緒偏於此地開  
日月看從西海入雲山行抱白城廻  
兒童摠解搖吟筆鄰曲多憐過酒杯  
道遠能來非俗物詩成屢讀歎仙才

白城風雨話西陂珍重臨分贈後期桴海願從夫子去

桃源勿遣外人知  
稻田十頃君應快  
茆覆三間我亦爲  
好煞江南風景地  
漁舟葉葉笛枝枝

風雨關春夢  
文章曠客心  
百年如此過  
一語得君深  
花到白城下  
鶯連清漢陰  
山村三日酒  
浩渺意難禁

海上天多縱  
眼看浮生消息誤  
金丹流離始  
戀鄉鄰好老去  
溪知道路難

茫茫左域一書生  
負手雲山且獨行  
留醉非關前夜雨  
禮詩心折鄭康成

梅花結社竟何時  
鷗鷺留盟十載遲  
聞說江村生事好  
夜來清夢落西枝

時容有盛說西枝蒲勝者

虎巖道中聞彝齋權相國敦仁謫連山

霸陵藥好那堪採  
沃州山多不可買  
橫溪村裡一把茆  
六載經營頭未蓋  
今朝却向世間來  
捫虱欲與桓公話  
世間消息復如此  
茫茫四海吾舟芥

南溪種柳詞和朱溪諸詞伯

綠楊千樹擁江灣  
人與白鷗相對閒  
故人詩比桃花水  
怕引漁郎到此間

朱溪民擾以求狀  
不應媒禍謾筆遣  
懷時有三政救弊  
詢策艸野之盛舉

河決山崩壯士哀  
眼前突兀卽成灰  
紛綸恩怨多生事  
對此茫然首一回

避地桃源計本深  
何緣斗起殺人心  
鷄蟲報復尋常債

業火燒殘功德林

手持寸鐵割生民折屋蹊田摠有因到處相逢皆笑面  
滋知吾德不如人

虎而冠者縱堪憎汝輩真憐欲暴馮失道民離非一日  
誰知此事可哀矜

一字平生不救飢反媒奇孽到茅茨替渠溯願非無日  
會見山翁奮筆時

荆江訪李在山岵堂李上舍來會

客路秋涼日日生吾廬應復小溪清山中幾積家人恨  
江上猶爲故舊情得食無方思絕粒爲儒到老且談兵  
肝腸鍊得剛多少驀地逢君一失聲

半生歷落似殘枰撒手歸來兩鬢明剩借半籌無着處  
全輸此局與誰爭他年車笠空留誓此夜鉛槧宛復成  
玉貌驚君還勝昔九華天末斷雲橫

朱溪墮水申香農送騎與衣

時英百李友詩先成  
有范叔緜袍施得煖

鄭莊驕復如飛之句及  
見余作大喜以爲難及

醉後長歌入翠微吟邊黃葉墮人衣重裘衝雪溫如火  
快馬乘風去若飛乍入凌波仙子夢旋隨踏浪釣人歸  
懷恩感遇情多少溪上題詩滿竹扉  
驀然高臥鏡中天醉後尋真水底眠乘馬自知招易客  
騎鯨何處訪詩仙抱得蘭亭真好事眼前鬢鬢不能全  
傍人不用忙扶起萬頃琉璃正可憐

閣雨寒天雪正飄朱溪秋水碧瀟瀟淋漓通體今如此  
乾沒平生可自聊伯安得道浮彭蠡屈子沉湘有楚騷  
懸崖暴浪俱經劫應爲殘年破寂寥

